

玉海



040
1000:65
34873

玉海卷第一百六十八

浚儀王應麟伯厚甫

官室

院下

開寶舍人院

唐見上

院在中書制敕院內初入者有保直晉開運中楊昭
儉約舊例刻石院中開寶九年十一月張洎興國三
年正月丙申王克正直舍人院雍熙三年十月六日

李沆宋湜王化基知制誥

正員闕以正言以上至給事中知制誥中書召試制

詔三篇惟梁周翰薛映梁鼎梁億陳堯佐歐陽修不

召試西京舊有題名石柱都汴廢咸平三年李宗

謬始爲石壁刻記名氏故事知制誥上事設紫褥熙
於庭面北拜廳閣長立褥之東北隅謂之壓角

寧三年五月六日蔡延慶王益柔直舍人院至是復

除元豐四年十月二十七日鑄印以中書外省爲文

五年四月二十五日正除舍人曾鞏趙彥若陸佃元祐初蘇

轍直舍人院改爲權舍人嘉泰四年李壁直舍人院

宋庠掖垣叢志三卷載官曹故事爲十三門

太平興國崇文院 崇文院閱羣書 三

館書籍 二館 六庫書籍 祥符崇文

外院

太平興國一年九月壬辰朔乙未幸新修三館賜役

大錢有差三年二月丙辰朔成

通畧庚辰

詔曰國家聿新

宗宇大集羣書宜賜佳名以光策府其三館新修書

院宜爲崇文院

崇文院有祕閣見閣類

自經始至畢工臨幸者

再按六典武德中始置修文館正觀建史館於禁

中掌國史開元五年乾元殿東廊寫四部書十三年

改集仙殿爲集賢以修書院爲集賢殿書院三館之

名肇於此矣自是集賢殿昭文館置大學士史館置

監修國史皆以宰相兼領史館集賢修撰史館有直

館檢討集賢有直院校理皆以他官領之其昭文館

諫門中省史館舊集賢尚未合爲一自梁徙汴都舊

制未備正明中始於今右長慶門東北小屋十間數

爲三館

五代時三館在右掖門內

秋隘卑陋僅庇風雨周廬微道

多出其旁衛士騶卒朝夕喧雜每受詔述多移他所

上卽位因幸故館

一本云太平興國中幸

歷覽舊趾顧左右曰

若此之陋豈所以待天下之賢俊耶卽日詔有司度

左昇龍門東北車府地爲三館

舊車輅院地

命中貴人督

工徒晨夜兼作其棟宇之制皆上親授自舉役車駕

凡再幸

二年九月

又三年二月辛未帝御崇文

院觀書久之詔親王宰相悉其檢閱

三

年二月丙辰朔有司奏畢功乃下詔

詔在

輪奐壯麗

冠平內庭近世鮮比又詔敝園苑植花木引溝水以

灌溉之西序啓便門以備臨幸盡遷西館之書分於
兩廊貯焉東廊爲昭文書庫南廊爲集賢書庫西廊
爲史館書庫凡六庫分經史集四部正副本凡八萬
卷初乾德中平蜀得書萬三千卷開寶中平吳得書
二萬餘卷參以舊書爲八萬卷凡六庫書籍皆以類
相從用雕木爲架以青綾帕幕之簡冊之府翕然一
變矣

一云前三館後建秘閣
年錢俶歸朝收書籍送館閣

是

是月十六日

辛未

帝幸新崇文院觀群書久之詔宰相親王恣其檢閱
問難少頃召劉鋹李煜至亦令縱觀因即中堂宴從
臣盡醉而罷真宗咸平元年十一月命內臣監秘閣

圖書三館書籍二年七月甲辰幸崇文院開書庫閣

群書登秘閣觀太宗御書賜館閣官器幣五年七月庚

戌幸三館秘閣閱四庫書賜直閣校理器幣並詳見觀書類

景德四年十一月辛巳宴館閣官于院祥符八年夏

禁中火五月翰學陳彭年言唐制中書門下兩省宮

城之內有內省宮城之外有外省請於左右掖門外

建外院別置三館書庫壬辰詔於右掖門外別置崇

文外院內院奉安太宗聖容御書天文圖書四庫為書庫及史館日曆庫館閣官宿直校勘抄寫

雕印並於外院時內廷嚴火禁因命有司討論故事

而改之又借太清樓本補寫天聖三年成萬七千

六百卷自建隆至祥符藏書天禧元年三年八月丁

著錄三萬六千三百八十卷

宗文外院以三館爲額仁宗天聖五年十月同
太后幸上曰三館書校開元四錄所失甚衆宜加求
募直史館謝泌言請依唐薛稷沈佺期武平一馬懷
素人掌一庫上嘉之命泌等分領九年十一日上以
迫近市囂非多士討論之地辛巳復遷三館于崇文
院景祐中編次崇文總目三年十一月賜會于院嘉

祐六年十二月二十三日壬寅賜輔臣兩制館閣官
宴于崇文院宰臣韓琦以下刻石記于院之西壁先
是詔直編定編校一員據崇文院總目刊正補寫至
是寫校畢凡黃本六千四百九十六卷白本二千九

百五十四卷上之神宗熈寧二年十一月丙寅命邢
 恕為崇文院校書以備訪問閏十一月壬寅張載為
 之元豐五年初以崇文院為秘書省建秘閣於中
 哲宗元祐五年九月十六日復置集賢院學士紹聖
 二年四月三日戊辰易為集賢殿修撰徽宗政和六
 年四月六日改右文

太平興國文思院

唐有文思院蓋天子內殿之比非工作之所興國

三年始置文思院隸少府監掌工作之事有使監四

人今屬工部分上下界上金銀珠玉下銅鐵竹木

青箱雜記考工記東氏量銘

日時文思索故二
作之所號文思院

熙寧三年定制監官文武各一

人罷內侍隆興二年併禮物局入焉

乾德五年十月丙辰朔置綾錦院以處蜀工興國三
年二月十六日辛未幸西綾錦院命近臣縱觀織室
機杼咸平元年九月今改織絹

太平興國差遣院

六年九月丙午詔京朝官除兩省御史臺自少卿監
已下奉使從政於外受代而歸者令中書舍人郭贄
御史知雜藤中正戶部郎中雷德驤考勞積量才器
以中書門下缺員類能擬定引對而授之謂之差遣

院唐有

案前代常參官一品以下皆曰京官今謂

常參曰朝官秘書郎而下未嘗參曰京官舊制京官有員數京朝皆屬吏部三十月爲滿任校其考第赴集國初之制月限旣滿停其俸而釐務者復支罷則已但不常參除授皆出中書至是與朝官悉差遣院主之淳化四年五月丁未廢差遣院令審官院總之又以判流內銓蘇易簡王旦等同兼知考課院凡常調選人流內銓主之奏舉及歷任有殿累者考課院主之并吏員省司局議者以爲當

太平興國御書院

唐有集賢殿御書院皇朝太宗留意筆札卽位之後
募求善書許自言於公車置御書院以王著爲祇候
遷翰林侍書太平興國中選善書者七人爲御書院
祇候自是書詔筆體變人用傳寶遠追唐室矣

院在崇政殿東北橫門外內侍掌之有御書待詔祇
候後遷臨華門北又遷拱宸門間闔門內北城下

呂文仲爲翰林侍讀寓直御書院祥符元年三月庚
辰命給事中張秉等宿於御書院覆考試卷 天聖

五年十月甲午上與皇太后幸御書院觀太宗真宗

御書

院太宗所置在東宮學士宋綬撰記刻石院壁

皇祐三年五月丁卯名

近臣觀書于御書院嘉祐五年正月省御書院并圖

畫院待詔以下冗員雍熙元年置翰林圖畫院在該東門內咸平元年徙右掖門外

待詔二人藝學六人又有天文醫官院

太平興國進奏院

唐藩鎮皆置邸京師以大將主之謂之上都留後大

曆十二年五月甲寅改爲上都知進奏院會要十一日改

四年二月四日敕諸道上都知進奏院官今後不與正員正元六年九月收諸道進奏官印三十紐碎

之及五代以後支郡不隸藩鎮者聽自置邸隸藩鎮

者則兼掌焉國初沿舊制皆本州鎮補人爲進奏官

其軍監場務轉運司則差知後官就京師新城門裏

各置進奏院

總天下之郵遞

每日早集內前待漏院東廊下

承受宣敕諸司文字各就本州院發遞太平興國八

年命祺奉官張文粲就相國寺行香院簡閱進奏知

後官得李楚等一百五十人並充進奏官分掌諸州

罷知後官之名命張文粲與王禮都領之始爲鈴轄

諸道進奏院是年十月詔於大內側近置都進奏院

踰年以石熙載宅充院

以鈴轄諸道扁院額摹印章率用名流

九年七

月召進奏官李楚等於崇政殿擇三十三人

會要曰三十人

補殿前承旨始定進奏官以百二十人爲額

監官熙寧四年二月

寧四年二月二十日詔諸道進奏院以知銀臺司官

提舉中興隸門下後省建炎四年五月二十五日命
朝奉郎盧伸監院乾道九年二月二十一日隸門下

後省

哲宗正史云進奏
奏院隸給事中

進奏院掌邦國傳遽之事周官行夫其職也漢郡國
有邸唐柳宗元邠寧進奏院記凡諸侯述職之禮必
有棟宇建于京師朝覲爲修容之地會計爲交政之
所其在周典則皆邑以具湯沐其在漢制則皆邸以
奉朝請唐興因之則皆院以備進奏政以之成禮於
是具由舊章也皇帝十一載以郎寧王張公
建節剖符部股肱之郡統爪牙之職董制三軍撫柔

萬人乃新斯院弘我舊規高其閤閤壯其門閤以奉
王制以脩古典至敬也以尊朝覲以率貢職至忠也
執忠與敬臣道畢矣公嘗鳴珮執玉展禮天朝又嘗
伐叛獲醜獻功魏闕其餘歸時事修常職賓屬受辭
而來使旅賁奉章而上謁稽疑於大宰質政於有司
下及奔走之臣傳遽之役川流環運以達教令大凡
展采於中都率由是焉故領斯院者必獲歷閭闔登
太清仰萬乘之威而通內外之事王宮九關而不間
轅門十舍而如近斯乃軍府之要會朗寧之能政也
惟公施德下邑而黎人咸懷掉敵西陲而戎虜伏息

茂功溢于太常盛烈動於人聽則斯院之設乃他政之末者也贊公於他政之末故詞不周德稱公於天子之部故禮不稱位斯古道也

太平興國登聞院理檢院

唐置匭太平興國九年

即雍熙元年

七月庚申

十二日

詔改

匭院爲登聞院命諫官領之東延恩匭爲崇仁檢南

招諫匭爲思諫檢

西申寬匭爲申明檢

北通元匭爲招賢檢淳

化三年又置理檢院以兩省官判

淳化三年五月辛亥置理檢院於乾

元門之西北廊以知制誥錢若水領之復唐制也

令登聞院鼓司進狀人有

稱冤濫沈屈者即引送理檢院審問至道三年十一